

Na osnovu člana 157. stav (2) Zakona o vodama ("Službene novine Federacije BiH", broj 70/06), federalni ministar poljoprivrede, vodoprivrede i šumarstva donosi

P R A V I L N I K

O USLOVIMA I KRITERIJIMA KOJE MORAJU ZADOVOLJITI OVLAŠTENA PRAVNA LICA ZA OBAVLJANJE STRUČNO-TEHNIČKIH POSLOVA IZ NADLEŽNOSTI AGENCIJA ZA VODE I NAČINU IZDAVANJA OVLAŠTENJA

I. - OPĆE ODREDBE

Član 1.

Ovim Pravilnikom propisuju se posebni uslovi i kriteriji koje mora zadovoljiti ovlašteno pravno lice za obavljanje stručno-tehničkih poslova iz nadležnosti agencija za vode i postupak izdavanja ovlaštenja.

Član 2.

Stručno-tehnički poslovi iz nadležnosti agencija za vode (u daljem tekstu: stručno-tehnički poslovi) koji se mogu ustupiti ovlaštenim pravnim licima u smislu ovog pravilnika obuhvataju sljedeće grupe poslova:

1. Radovi na provođenju mjera i aktivnosti svih faza aktivne odbrane od poplava definisani u poglavlju 2.3. Federalnog operativnog plana odbrane od poplava ("Službene novine Federacije BiH", broj 97/15)(u daljem tekstu: FOP) koji se odnose na vodne objekte iz člana 14. stav (1) tačka 1. Zakona o vodama na poplavnim područjima uz površinske vode I kategorije i objekte u vlasništvu Federacije Bosne i Hercegovine iz člana 15. stav (1) Zakona o vodama, te radovi čišćenja vodotoka i održavanja vodnog dobra u okviru sistema zaštite od poplava, a obavljaju se na poplavnim područjima iz Poglavlja III. ovog Pravilnika;
2. Izrada tehničke dokumentacije za planove upravljanja poplavnim rizikom prema Uredbi o vrstama i sadržaju planova zaštite od štetnog djelovanja voda („Službene novine Federacije BiH", broj 26/09)(u daljem tekstu: Uredba), i to:
 - preliminarne procjene rizika od poplava,
 - mape opasnosti i mape rizika od poplava,
 - plan upravljanja rizikom od poplava.
3. Izrada tehničke dokumentacije za planove upravljanja vodama iz člana 25. Zakona o vodama.

II. – POSEBNI USLOVI I KRITERIJI ZA OBAVLJANJE POSLOVA

Član 3.

Poslove iz člana 2. tačka 1. ovog Pravilnika može obavljati pravno lice koje ispunjava sljedeće posebne uslove:

1. Da je registrirano za poslove izgradnje i/ili održavanja hidrograđevinskih objekata pod šifrom djelatnosti 42.91 prema Odluci o klasifikaciji djelatnosti BiH ("Službeni glasnik BiH", broj 47/10), a koja je u skladu sa Zakonom o klasifikaciji djelatnosti BiH ("Službeni glasnik BiH", broj 47/10);
2. Da posjeduje iskustvo u uspješnoj realizaciji najmanje tri posla izgradnje i/ili održavanja hidrograđevinskih vodnih objekata u posljednjih pet godina;
3. Da u trenutku podnošenja zahtjeva za ovlaštenje ima minimalno 15 stalno uposlenih radnika, od kojih ima potreban broj uposlenika sa stručnim kvalifikacijama i radnim iskustvom kako je određeno u Prilogu 1 ovog Pravilnika;

4. Da ima u vlasništvu ili po drugom pravnom osnovu na raspolaganju/leasingu, zakupu i sl.) najmanji broj i vrstu građevinske mehanizacije, alata i ostale opreme, kako je određeno u Prilogu 2 ovog Pravilnika;
5. Da je u mogućnosti, u roku od šest (6) sati od trenutka proglašenja mjera redovne odbrane od poplava, za pripadajuće poplavno područje za koje se podnosi zahtjev osigurati potreban broj dodatnog osoblja i potreban broj i vrstu mehanizacije i opreme na poplavnom području za provođenje mjera aktivne odbrane od poplava, navedene u Prilogu 2. ovog Pravilnika;
6. Da je upoznat sa odredbama Uredbe i FOP-a.

Član 4.

Poslove iz člana 2. tačka 2. ovog Pravilnika može obavljati pravno lice koje ispunjava sljedeće posebne uslove:

1. Da je registrirano za poslove inženjerske djelatnosti i tehničkog savjetovanja pod šifrom djelatnosti 71.12 prema Odluci o klasifikaciji djelatnosti BiH ("Službeni glasnik BiH", broj 47/10), a koja je u skladu sa Zakonom o klasifikaciji djelatnosti BiH ("Službeni glasnik BiH", broj 47/10);
2. Da posjeduje iskustvo u obavljanju stručno-tehničkih poslova u uspješnoj realizaciji najmanje jednog posla izrade tehničke dokumentacije iz člana 2. tačka 2. ovog Pravilnika u posljednjih šest godina;
3. Da ispunjava uslove stručne osposobljenosti i broja stručnih lica, ako ima najmanje tri (3) uposlenika sa završenim VII stepenom stručne spreme koji imaju najmanje pet godina radnog iskustva u struci i položen stručni ispit prema važećim propisima koji propisuju obavezu polaganja stručnog ispita za pojedina zvanja, i koja su u stalnom radnom odnosu sa punim radnim vremenom kod tog pravnog lica sa sljedećim kvalifikacijama:
 - a) diplomirani inženjer građevinarstva-smjer hidrotehnički, ili opći smjer sa položenim stručnim ispitom iz oblasti hidrotehnike, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima hidrologije i najmanje jednim referentnim poslom u svojstvu odgovornog učesnika na izradi tehničke dokumentacije koja se odnosi na poslove hidrologije.
 - b) diplomirani inženjer građevinarstva-smjer hidrotehnički, ili opći smjer sa položenim stručnim ispitom iz oblasti hidrotehnike, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima riječne hidrotehnike i najmanje jednim referentnim poslom u svojstvu odgovornog učesnika na izradi tehničke dokumentacije koja se odnosi na poslove riječne hidrotehnike.
 - c) diplomirani inženjer geologije odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima inženjerske geologije i najmanje jednim referentnim poslom u svojstvu odgovornog učesnika na izradi tehničke dokumentacije za poslove inženjerske geologije.

Član 5.

Poslove iz člana 2. tačka 3. ovog Pravilnika može obavljati pravno lice koje ispunjava sljedeće posebne uslove:

1. Da je registrirano za poslove inženjerske djelatnosti i tehničkog savjetovanja pod šifrom djelatnosti 71.12 prema Odluci o klasifikaciji djelatnosti BiH ("Službeni glasnik BiH", broj 47/10), a koja je u skladu sa Zakonom o klasifikaciji djelatnosti BiH ("Službeni glasnik BiH", broj 47/10);

2. Ovlašteno pravno lice ispunjava uslove iskustva pravnog lica u obavljanju stručno-tehničkih poslova ako posjeduje iskustvo u uspješnoj realizaciji najmanje jednog posla u svojstvu odgovornog učesnika izrade tehničke dokumentacije iz člana 2. tačka 3. ovog Pravilnika u posljednjih šest godina;
3. Ovlašteno pravno lice ispunjava uslove stručne osposobljenosti i broja stručnih lica ako ima najmanje tri (3) uposlenika sa završenim VII stepenom stručne spreme, koji imaju najmanje pet godina radnog iskustva u struci i položen stručni ispit prema važećim propisima koji propisuju obavezu polaganja stručnog ispita za pojedina zvanja, i koja su u stalnom radnom odnosu sa punim radnim vremenom kod tog pravnog lica sa sljedećim kvalifikacijama:
 - a) diplomirani inženjer građevinarstva-smjer hidrotehnički, ili opći smjer sa položenim stručnim ispitom iz oblasti hidrotehnike, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima hidrotehnike ili okolišnog inženjerstva i najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.
 - b) diplomirani inženjer hemije/hemijske tehnologije, visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima korištenja i zaštite voda i najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.
 - c) diplomirani biolog, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima korištenja i zaštite voda i najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.
4. Osim uposlenika iz tačke 3. ovog člana, za poslove iz člana 2. tačka 3. ovog Pravilnika pravno lice mora imati na raspolaganju još najmanje tri (3) lica sa završenim VII stepenom stručne spreme i najmanje pet godina radnog iskustva u struci, koja ne moraju biti u stalnom radnom odnosu kod tog pravnog lica i mogu biti angažovana po drugom pravnom osnovu (ugovor o angažmanu i sl.), kvalifikacione strukture kako slijedi:
 - a) diplomirani inženjer geologije, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima zaštite i korištenja podzemnih voda ili izrade akcionih planova zaštite voda, i sa najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.
 - b) GIS ekspert, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima unosa prostornih slojeva podataka i najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.
 - c) diplomirani ekonomista, odnosno visoko obrazovanje drugog ciklusa bolonjskog sistema studiranja (koji se vrednuje sa 300 ECTS bodova), sa pet godina radnog iskustva na poslovima izrade cost-benefit analize i/ili implementacije ekonomskih instrumenata u upravljanju vodnim resursima ili sektoru okoliša, i sa najmanje jednim referentnim poslom iz oblasti izrade tehničke dokumentacije iz člana 2. tačka 3. ovog Pravilnika.

Član 6.

Za poslove iz člana 2. ovog Pravilnika dodatne uvjete propisuje nadležna Agencija za vode u svakom pojedinačnom slučaju u sklopu tenderske dokumentacije, a u skladu

sa Zakonom o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24).

III. – POPLAVNA PODRUČJA

Član 7.

Rješenje o ovlaštenju, odnosno o ispunjavanju posebnih uslova iz člana 3. ovog Pravilnika izdaje se po sljedećim poplavnim područjima.

a) Poplavna područja na slivnom području Jadranskog mora:

- Poplavno područje broj 1: Čapljina i Hutovo blato;
- Poplavno područje broj 2: TMT (Tihaljina-Mlade-Trebižat), Vrioštica i IB (Imotsko-bekijsko) polje;
- Poplavno područje broj 3: Mostarsko blato i rijeka Jasenica.

b) Poplavna područja na slivnom području rijeke Save:

- Poplavno područje broj 4: Odžačka Posavina;
- Poplavno područje broj 5: Srednja Posavina.

IV. – POSTUPAK IZDAVANJA OVLAŠTENJA I IZRADE LISTI

Član 8.

Ovlaštenje za obavljanje poslova iz člana 2. ovog Pravilnika izdaje Federalno ministarstvo poljoprivrede, vodoprivrede i šumarstva (u daljem tekstu: Ministarstvo) u formi rješenja.

Postupak izdavanja ovlaštenja provodi komisija koju rješenjem imenuje federalni ministar za poljoprivredu, vodoprivredu i šumarstvo, a koju čine predsjednik i dva člana.

Izdavanje rješenja o ovlaštenju provodi se na osnovu odredbi ovog Pravilnika i Zakona o upravnom postupku Federacije Bosne i Hercegovine („Službene novine Federacije BiH“, br. 2/98, 48/99 i 61/22).

Član 9.

Zahtjev za izdavanje ovlaštenja obavezno sadrži: naziv pravnog lica, sjedište, identifikacijski broj, te naznaku za koje se poslove, odnosno za koje poplavno područje se traži rješenje o ovlaštenju.

Uz zahtjev za izdavanje rješenja o ovlaštenju dostavljaju se:

1. Ovjeren Izvod iz sudskog registra sa rješenjem o upisu u sudski registar, identifikacijskim brojem i šifrom djelatnosti iz člana 3., 4. i 5. ovog Pravilnika, ne starije od 90 dana od dana podnošenja zahtjeva, u originalu ili kopiji ovjerenoj od strane nadležnog organa;
2. Potvrde/uvjerenja o uspješnom izvršenju referentnih poslova iz člana 2. Pravilnika, izdate od strane investitora;
3. Potvrda/uvjerenje izdata od Federalnog zavoda za penzijsko i invalidsko osiguranje za najmanje propisani broj zaposlenika iz člana 3. tačka 3., člana 4. tačka 3. i člana 5. tačka 3. ovog Pravilnika;
4. Popis zaposlenika iz člana 3. tačka 3. ovog Pravilnika koji imaju posebnu stručnu spremu i/ili radno iskustvo, kojim se dokazuje postojanja posebnih uslova, u originalu potpisan od strane zakonskog zastupnika pravnog lica;
5. Za svakog zaposlenika iz člana 3. tačka 3., člana 4. tačka 3. i člana 5. tačka 3. i 4. posebno dostaviti:
 - kopiju diplome ovjerenu od strane nadležnog organa,

- kopiju uvjerenja o položenom stručnom ispitu ovjerenog od strane nadležnog organa, prema važećim propisima koji propisuju obavezu polaganja stručnog ispita za pojedina zvanja,
 - radnu biografiju sa popisom poslova u čijoj izradi je zaposlenik učestvovao,
 - Izjavu pravnog lica o angažmanu lica iz člana 5. tačka 4. ovog Pravilnika.
6. Izjavu pravnog lica o prihvatanju obaveza osiguranja dodatnog osoblja, mehanizacije, opreme i alata iz člana 3. tačka 5. ovog Pravilnika, radi ispunjavanja obaveza po FOP-u i Uredbi na pripadajućem poplavnom području u svim fazama odbrane od poplava;
 7. Popis opreme iz Priloga broj 2 ovog Pravilnika, sa oznakom pravne osnove za posjed nad istima uz svaku od navedenih stavki (vlasništvo, leasing, ugovor) radi dokaza postojanja posebnih uslova iz člana 3. tačka 5. ovog Pravilnika, u originalu potpisan od strane zakonskog zastupnika pravne osobe;
 8. Izjavu odgovornog lica da je upoznat sa odredbama Uredbe i FOP-a.

Član 10.

Na osnovu dostavljene dokumentacije i utvrđenih činjenica Ministarstvo, na prijedlog komisije za utvrđivanje ispunjavanja uvjeta za izdavanje ovlaštenja propisanih ovih Pravilnikom, izdaje ovlaštenje u roku od 60 dana od dana podnošenja zahtjeva.

Rješenje o ovlaštenju (ispunjavanju posebnih uvjeta iz člana 3., 4. i 5. ovog Pravilnika) izdaje se za obavljanje određenih poslova, odnosno za jedno ili više poplavnih područja, na razdoblje do šest godina.

Član 11.

Na osnovu izdatih rješenja o ovlaštenju pravnim licima koja ispunjavaju uvjete za obavljanje stručno-tehničkih poslova, Ministarstvo utvrđuje Liste pravnih lica kojima je izdato ovlaštenje:

- **Lista „I“**, na koju se upisuju pravna lica kojima je izdato rješenje o ovlaštenju za obavljanje stručno-tehničkih radova iz člana 2. tačka 1. ovog Pravilnika, a koja se vodi odvojeno po poplavnim područjima,
- **Lista „II“**, na koju se upisuju pravna lica kojima je izdato rješenje o ovlaštenju za obavljanje stručno-tehničke dokumentacije iz člana 2. tačka 2. ovog Pravilnika,
- **Lista „III“**, na koju se upisuju pravna lica kojima je izdato rješenje za obavljanje stručno-tehničkih poslova iz člana 2. tačka 3. ovog Pravilnika.

Liste pravnih lica objavljuju se na web-stranici Ministarstva i web-stranicama agencija za vodna područja, i iste se ažuriraju nakon svake izvršene promjene.

Član 12.

Pravno lice, kojem je izdato Ovlaštenje i koje je upisano na jednu od listi iz člana 11. ovog Pravilnika, dužno je Ministarstvu dostaviti obavijest o promjeni uslova iz člana 3., 4. i 5. ovog Pravilnika, u roku od 15 dana od dana nastale promjene.

Ministarstvo će ukinuti izdato rješenje o ovlaštenju, te brisati pravno lice sa liste iz člana 11. ovog Pravilnika po službenoj dužnosti, ako po dostavljenom obrazloženom prijedlogu agencija za vode ili nadležnih vodnih inspekcija utvrdi:

1. da je pravno lice podnijelo neistinite i nevjerodostojne dokumente;
2. da pravno lice ne izvršava ili neuredno izvršava svoje obaveze iz člana 2. tačka 1. ovog Pravilnika;
3. da pravno lice nije dostavilo obavijest o promjeni uslova iz ovog člana u zadanom roku, a Ministarstvo na drugi način utvrdi da je promjena nastupila,

posebno vezano za kvalifikacionu strukturu uposlenika na osnovu koje je izdato ovlaštenje;

4. za pravno lice kojem je dodijeljeno rješenje o ovlaštenju, nastupanje okolnosti ne ispunjavanja uslova iz člana 4. tačke 3. ovog Pravilnika;
5. za pravno lice kojem je dodijeljeno rješenje o ovlaštenju, nastupanje okolnosti ne ispunjavanja uslova iz člana 5. tačke 3. ovog Pravilnika;
6. da je pravno lice prestalo postojati, odnosno da je brisano iz registra privrednih subjekata, ili mu je odlukom nadležnog organa izrečena sankcija zabrane obavljanja djelatnosti.

Ako Ministarstvo pravnom licu ukine izdato ovlaštenje prema nekoj od odredbi iz ovog člana, zahtjev tog pravnog lica za dobivanje ovlaštenja neće se razmatrati u periodu od tri godine.

Član 13.

Postupak produženja ranije izdanih ovlaštenja provodi se po zahtjevu pravnog lica, prema odredbama ovog Pravilnika koje se odnose na postupak izdavanja ovlaštenja.

Član 14.

Nadzor nad primjenom odredbi ovog Pravilnika vrši Federalna vodna inspekcija.

V. – PRILOZI

Član 15.

Sastavni dio ovog Pravilnika su prilogi :

- **Prilog 1:** Posebni uslovi brojnosti i stručnosti zaposlenika u pravnim licima za obavljanje djelatnosti preventivne, redovne i vanredne odbrane od poplava,
- **Prilog 2:** Posebni uslovi tehničke opremljenosti pravnih lica za obavljanje djelatnosti preventivne, redovne i vanredne odbrane od poplava.

VI. – PRELAZNE I ZAVRŠNE ODREDBE

Član 16.

Danom stupanja na snagu ovog Pravilnika prestaje važiti Pravilnik o uvjetima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja ("Službene novine Federacije BiH", br. 75/09, 43/10 i 66/13).

Član 17.

Sva rješenja o ovlaštenju, izdata prema Pravilniku o uvjetima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja ("Službene novine Federacije BiH", br. 75/09, 43/10 i 66/13), važe do isteka roka na koji su izdata.

Član 18.

Ovaj Pravilnik stupa na snagu osmog dana od dana objave u „Službenim novinama Federacije BiH“.

Broj: _____
Sarajevo, _____

Obrazloženje

1. ZAKONSKI OSNOV

Zakonski osnov za donošenje Pravilnika o uvjetima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja sadržan je članu 157. stav (2) Zakona o vodama („Službene novine Federacije BiH“, broj 70/06) kojim je propisano da federalni ministar propisuje uslove i kriterije koje moraju zadovoljiti ovlaštene pravne osobe iz stava (1) ovog člana i način izdavanja ovlaštenja.

2. RAZLOZI ZA DONOŠENJE

Pravilnik o uslovima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja donesen je na temelju zakonskog ovlaštenja iz člana 157. stav (2) Zakona o vodama, a koji je objavljen u „Službenim novinama Federacije BiH“, broj 75/09 od dana 02.12.2009. godine i koji je stupio na snagu 10.12.2009.godine. Od početka njegove primjene, posebno pojedinih rješenja u praksi, uočavani su određeni nedostaci koje je bilo potrebno otkloniti kako bi se omogućila njegova što potpunija primjena i ostvarili bolji efekti. Iz navedenog razloga kao i iz razloga usaglašavanja pojedinih odredbi sa drugim pozitivnim propisima, isti je mijenjan u 2 navrata. Izmjene i dopune objavljene su u „Službenim novinama Federacije BiH“, br. 43/10 i 66/13.

Međutim, i pored dosadašnjih izmjena u periodu od 2013-te godine, kao posljedica određenih tendencija u pogledu realnih mogućnosti pravnih subjekata da zadovolje uslove prije svega neophodnog stručnog osoblja, a imajući vidu da se radi uglavnom o periodičnim poslovima koji ne zahtijevaju kontinuirano angažovanje stručnih lica u obimu kako je to predviđeno Pravilnikom, nastala je potreba za njegovom dodatnom izmjenama i dopunama.

S druge strane, kako su u međuvremenu stupili na snagu Zakon o klasifikaciji djelatnosti BiH („Službeni glasnik BiH“, broj 47/10) i Odluka o klasifikaciji djelatnosti BiH („Službeni glasnik BiH“, broj 47/10), utvrđena je potreba za izmjenama Pravilnika u skladu sa pomenutim propisima kao i u dijelu koji se odnosi na definisanje vrste i stepena stručne spreme za propisano osoblje u smislu uvođenja novog sistema visokog obrazovanja.

Imajući u vidu obim potrebnih izmjena, stekli su se uslovi za izradu novog pravilnika.

3. OBRAZLOŽENJE POJEDINIH ODREDBI

Poglavlje I. – sadrži opće odredbe o predmetu Pravilnika i stručno-tehničkim poslovima na koje se odnose njegove odredbe.

Članom 1. definisan je predmet Pravilnika na način da je isti određen kao propisivanje posebnih uslova i kriterija koje mora zadovoljiti ovlašteno pravno lice za obavljanje stručno-tehničkih poslova iz nadležnosti agencija za vode, kao i postupak izdavanja ovlaštenja.

Članom 2. izvršena je specifikacija stručno-tehničkih poslova iz nadležnosti agencija za vodna područja u tri grupe, koji se u skladu sa odredbom člana 157. stav (1) Zakona o vodama ustupaju pravnim licima koja ispunjavaju uslove propisane ovim Pravilnikom i to:

- Tačkom 1. definisani su stručno-tehnički poslovi (radovi) koji se obavljaju u

okviru provođenja mjera i aktivnosti u svim fazama aktivne odbrane od poplava, kako je to propisano Federalnim operativnim planom odbrane od poplava ("Službene novine Federacije BiH", broj 97/15), a koji poslovi se odnose na zaštitne objekte (nasipi, obaloutvrde, uređena korita vodotoka, odvodni kanali i dr.) koji su na ili uz površinske vode I. kategorije i u vlasništvu su Federacije BiH, kao i poslove na čišćenju i održavanju vodotoka koji se izvode u okviru zaštite od štetnog djelovanja voda, a na definisanim poplavnim područjima.

- Tačkom 2. definisana je druga grupa stručno-tehničkih poslova koji obuhvataju poslove izrade tehničke dokumentacije potrebne za izradu i donošenje planova upravljanja poplavnim rizikom, koji obuhvataju isključivo stručno-tehničke poslove iz oblasti hidrotehnike, geologije i hidrogeologije.
- Tačkom 3. definisana je treća grupa stručno-tehničkih poslova koji obuhvataju poslove izrade tehničke dokumentacije potrebne za izradu i donošenje planova upravljanja vodama.

Poglavlje II. – sadrži odredbe o posebnim uvjetima i kriterijima koje ovlaštena-pravna lica moraju ispunjavati za obavljanje određene grupe poslova.

Članom 3. propisuju se uslovi koje vlasteno pravno lice mora ispunjavati u pogledu osoblja, iskustva i opreme za obavljanje poslova koji se odnose na provođenje mjera i aktivnosti u svim fazama aktivne odbrane od poplava, kao i za radove čišćenja i održavanja vodotoka i vodnog dobra.

Članom 4. propisuju se uslovi koje ovlašteno pravno lice mora ispunjavati u pogledu osoblja, iskustva i opreme za obavljanje poslova koji se odnose na izradu tehničke dokumentacije potrebne za izradu i donošenje planova upravljanja poplavnim rizikom.

Članom 5. propisuju se uslovi koje ovlašteno pravno lice mora ispunjavati u pogledu osoblja, iskustva i opreme za obavljanje poslova koji se odnose na izradu tehničke dokumentacije potrebne izrade tehničke dokumentacije potrebne za izradu i donošenje planova upravljanja vodama.

Članom 6. je definisano da dodatne uvjete propisuju nadležne agencije za vodna područja u okviru sprovođenja postupaka javne nabavke radova u skladu sa Zakonom o javnim nabavkama i propisima iz oblasti javnih nabavki.

Poglavlje III. – sadrži odredbe o nazivima poplavnih područja na području Federacije BiH.

Članom 7. je propisano da se rješenje o ovlaštenju za obavljanje poslova-radova koji se odnose na provođenje mjera i aktivnosti u svim fazama aktivne odbrane od poplava, kao i za radove čišćenja i održavanja vodotoka i vodnog dobra izdaje za određeno poplavno područje/a, obzirom na specifičnost događaja i hitnost obavljanja poslova u okviru aktivne odbrane od poplava.

Poglavlje IV. – sadrži odredbe o postupku izdavanja ovlaštenja i izrade listi izdatih ovlaštenja.

Članom 8. je uređeno pitanje nadležnosti organa za provođenje postupka kao i supsidijarna primjena odredbi Zakona o upravnom postupku.

Članom 9. su uređena pitanja koja se odnose na sadržaj zahtjeva za izdavanje ovlaštenja kao i potrebni dokazi koji se prilažu uz zahtjev.

Članom 10. definisan je rok za donošenje rješenja po podnesenom zahtjevu i rok na koji se ovlaštenje izdaje.

Članom 11. uređeno je pitanje sačinjavanja listi pravnih lica kojima je izdato ovlaštenje na način da se liste formiraju za svaku pojedinačnu grupu poslova, a koje se objavlju na web-stranici Ministarstva i Agencije za vodna područja.

Članom 12. definisana je obaveza pravnim licima kojima su izdata ovlaštenja dostavljanja obavjesti o nastupanju promjena u pogledu ispunjavanja propisanih

uslova, te način i razlozi pod kojima se izdato ovlaštenje može ukinuti

Članom 13. propisan je postupak produženja izdatog ovlaštenja.

Članom 14. propisuje se nadzor nad primjenom odredi Pravilnika shodno odredbi člana 183. stav (1) Zakona o vodama.

Poglavlje V. – sadrži odredbe o prilogima koji su sastavni dio pravilnika.

Članom 15. je definisano da su sastavni dio pravilnika i 2 Priloga kojim se utvrđuju posebni uslovi za pravna lica i to:

Prilog 1. - uslovi u pogledu brojnosti i stručnosti zaposlenika, i

Prilog 2. - uslovi tehničke opremljenosti pravnog lica za obavljanje poslova/radova na provođenje mjera i aktivnosti u svim fazama aktivne odbrane od poplava.

Poglavlje VI. – sadrži sadrži prelazne i završne odredbe

Članom 16 je definisano da danom stupanja na snagu ovog Pravilnika prestaje važiti Pravilnik o uslovima i kriterijima koje moraju zadovoljiti ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja ("Službene novine Federacije BiH", br. 75/09, 43/10 i 66/13).

Članom 17. je uređeno pitanje statusa ovlaštenja izdatih na osnovu ranijeg Pravilnika a koja su još uvijek na snazi u pogledu roka na koji su izdata.

Članom 18. je definisano vrijeme stupanja na snagu pravilnika.

Prilog 1. - sadrži posebne uslove u pogledu brojnosti i stručnosti zaposlenika.

Prilog 2. - sadrži uslove u pogledu tehničke opremljenosti u pravnim licima za obavljanje djelatnosti preventivne, redovne i vanredne odbrane od poplava razvrstan po pojedinim poplavnim područjima u zavisnosti od specifičnosti svakog područja.

4. PROCES JAVNIH KONSULTACIJA

U skladu sa Pravilima i postupci za izradu zakona i drugih propisa Federacije Bosne i Hercegovine („Službene novine Federacije BiH“, broj 71/14), po ovom tekstu nacрта pravilnika sprovede se javne konsultacije u trajanju od 15 dana od dana objavljivanja teksta nacрта na web-stranici Ministarstva.

5. PROCJENA EKONOMSKE OPRAVDANOSTI DONOŠENJA PROPISA, OBRAZLOŽENJE FINANSIJSKIH SREDSTAVA ZA PROVOĐENJE, PROPISA I FINANSIJSKE EFEKTE

Ekonomska opravdanost donošenja predloženog pravilnika ogleda se u otklanjanju uočenih nedostataka u primjeni važećeg pravilnika, a posebno stvaranja uslova konkurentnosti pravnih lica za obavljanje stručno-tehničkih poslova.

U pogledu sredstava potrebnih za provođenje ovog propisa, za njegovo sprovođenje nisu potrebna sredstva iz Budžeta Federacije BiH, niti isto može imati uticaja na ista.

6. OCJENA USKLAĐENOSTI SA EU ZAKONODAVSTVOM

Obzirom da se ovim Pravilnikom uglavnom (u većoj meri) vrši otklanjanje nepreciznih i neprovodivih odredbi u dosadašnjem pravilniku, to nema potrebe za izradu Usporednog prikaza i Izjave o usklađenosti ovog propisa sa zakonodavstvom EU.

PRILOG 1

POSEBNI USLOVI BROJNOSTI I STRUČNOSTI ZAPOSLENIKA U PRAVNIM LICIMA ZA OBAVLJANJE RADOVA IZ ČLANA 2. TAČKA 1. PRAVILNIKA

Redni broj poplavnog područja	Naziv poplavnog područja	Stručnost zaposlenika	Broj zaposlenika tehničke struke	Broj zaposlenika ostale struke
1.	ČAPLJINA I HUTOVO BLATO	Za poslove područnog rukovodioca radnik u stalnom radnom odnosu sa najmanje tri godine rukovodnog iskustva u obavljanju poslova preventivne, redovne i vanredne odbrane od poplava - diplomirani građevinski inženjer-smjer hidrotehnički ili opći sa tri godine radnog iskustva iz člana 3. točka 3. Pravilnika i položen stručni ispit ili - građevinski inženjer sa pet godina radnog iskustva iz člana 3. točka 3. Pravilnika i položen stručni ispit	1	7
		Za poslove zamjenika područnog rukovodioca radnik u stalnom radnom odnosu sa srednjom stručnom spremom (SSS) građevinskog smjera i najmanje tri godine radnog iskustva u struci i položen stručni ispit	1	
		- Radnik u stalnom radnom odnosu sa završenim IV stepenom stručne spreml (SSS) građevinskog ili srodnog smjera sa jednom godinom radnog iskustva	1	
		- VKV radnik u stalnom radnom odnosu mašinskog ili srodnog smjera ili - KV radnik u stalnom radnom odnosu građevinskog, mašinskog ili srodnog smjera koji ima najmanje dvije godine radnog iskustva na održavanju i rukovanju pumpama/crpnim postrojenjima i položen ispit za rukovaoca pumpnim (crpnim) postrojenjima	2	
		- KV radnik u stalnom radnom odnosu građevinskog, mašinskog ili srodnog smjera	3	
		UKUPNO	8	7
		SVEUKUPNO	15	
2.	TMT (TIHANJINA-MLADE-TREBIŽAT), VRIOŠTICA I IB (IMOTSKO-BEKIJSKO) POLJE	Za poslove područnog rukovodioca radnik u stalnom radnom odnosu sa najmanje tri godine rukovodnog iskustva u obavljanju poslova preventivne, redovne i vanredne odbrane od poplava - diplomirani građevinski inženjer-smjer hidrotehnički ili opći sa tri godine radnog iskustva iz člana 3. točka 3. Pravilnika i položen stručni ispit ili - građevinski inženjer sa pet godina radnog iskustva iz člana 3. točka 3. Pravilnika i položen stručni ispit	1	7

		Za poslove zamjenika područnog rukovodioca radnik u stalnom radnom odnosu sa srednjom stručnom spremom (SSS) građevinskog smjera i najmanje tri godine radnog iskustva u struci i položen stručni ispit	1	
		- radnik u stalnom radnom odnosu sa završenim IV stepenom stručne spreml (SSS) građevinskog ili srodnog smjera sa jednom godinom radnog iskustva	1	
		- VKV radnik u stalnom radnom odnosu mašinskog ili srodnog smjera	2	
		- KV radnik u stalnom radnom odnosu građevinskog, mašinskog ili srodnog smjera	3	
		UKUPNO	8	
		SVEUKUPNO	15	7
3.	MOSTARSKO BLATO I RIJEKA JASENICE	Za poslove područnog rukovodioca radnik u stalnom radnom odnosu sa najmanje tri godine rukovodnog iskustva u obavljanju poslova preventivne, redovne i vanredne odbrane od poplava - diplomirani građevinski inženjer-smjer hidrotehnički ili opći sa tri godine radnog iskustva iz člana 3. točka 3. Pravilnika i položen stručni ispit ili - građevinski inženjer sa pet godina radnog iskustva iz člana 3. točka 3. Pravilnika i položen stručni ispit	1	10
		Za poslove zamjenika područnog rukovodioca radnik u stalnom radnom odnosu sa srednjom stručnom spremom (SSS) građevinskog smjera i najmanje tri godine radnog iskustva u struci i položen stručni ispit	1	
		- Radnik u stalnom radnom odnosu sa završenim IV stepenom stručne spreml (SSS) građevinskog ili srodnog smjera sa jednom godinom radnog iskustva	1	
		- VKV radnik u stalnom radnom odnosu mašinskog ili srodnog smjera	1	
		- KV radnik u stalnom radnom odnosu građevinskog, mašinskog ili srodnog smjera	1	
		UKUPNO	5	
		SVEUKUPNO	15	10
4.	ODŽAČKA POSAVINA	Za poslove područnog rukovodioca radnik u stalnom radnom odnosu sa najmanje tri godine rukovodnog iskustva u obavljanju poslova preventivne, redovne i vanredne odbrane od poplava - diplomirani građevinski inženjer-smjer hidrotehnički ili opći sa tri godine radnog iskustva iz člana 3. točka 3. Pravilnika i položen stručni ispit ili - građevinski inženjer sa pet godina radnog iskustva iz člana 3. točka 3. Pravilnika i položen stručni ispit	1	7
		Za poslove zamjenika područnog rukovodioca radnik u stalnom radnom odnosu sa srednjom stručnom spremom (SSS) građevinskog smjera i najmanje tri godine radnog iskustva u struci i položen stručni ispit	1	

		- Radniku stalnom radnom odnosu sa završenim IV stepenom stručne spreme (SSS) građevinskog ili srodnog smjera sa jednom godinom radnog iskustva	1	
		- VKV radnik u stalnom radnom odnosu mašinskog ili srodnog smjera ili - KV radnik u stalnom radnom odnosu građevinskog, mašinskog ili srodnog smjera koji ima najmanje dvije godine radnog iskustva na održavanju i rukovanju pumpama i položen ispit za rukovaoca pumpnim (crpnim) postrojenjima	2	
		- KV radnik u stalnom radnom odnosu građevinskog, mašinskog ili srodnog smjera	3	
		UKUPNO	8	
		SVEUKUPNO	15	
5.	SREDNJA POSAVINA	Za poslove područnog rukovodioca radnik u stalnom radnom odnosu sa najmanje tri godine rukovodnog iskustva u obavljanju poslova preventivne, redovne i vanredne odbrane od poplava - diplomirani građevinski inženjer-smjer hidrotehnički ili opći sa tri godine radnog iskustva iz člana 3. točka 3. Pravilnika i položen stručni ispit ili - građevinski inženjer sa pet godina radnog iskustva iz člana 3. točka 3. Pravilnika i položen stručni ispit	1	7
		Za poslove zamjenika područnog rukovodioca radnik u stalnom radnom odnosu sa srednjom stručnom spremom (SSS) građevinskog smjera i najmanje tri godine radnog iskustva u struci i položen stručni ispit	1	
		- Radnik u stalnom radnom odnosu sa završenim IV stepenom stručne spreme (SSS) građevinskog ili srodnog smjera sa jednom godinom radnog iskustva	1	
		- VKV radnik u stalnom radnom odnosu mašinskog ili srodnog smjera ili - KV radnik u stalnom radnom odnosu građevinskog, mašinskog ili srodnog smjera koji ima najmanje dvije godine radnog iskustva na održavanju i rukovanju pumpama i položen ispit za rukovaoca pumpnim (crpnim) postrojenjima	2	
		- KV radnik u stalnom radnom odnosu građevinskog, mašinskog ili srodnog smjera	3	
		UKUPNO	8	
		SVEUKUPNO	15	

PRILOG 2

POSEBNI USLOVI TEHNIČKE OPREMLJENOSTI PRAVNIH LICA ZA OBAVLJANJE RADOVA IZ ČLANA 2. TAČKA 1. PRAVILNIKA

Redni broj poplavnog područja	Naziv poplavnog područja	NAJMANJI BROJ I VRSTE STROJEVA I ALATA										
		Traktorska kosilica-malčer	Kamion kiper 10 t i veći	Bager točkaš-gusjeničar 14 t i veći	Utovari-vač od 60 kW i veći	Pumpa za vodu kapacitet 800 l/min	Mehanički nabijač 50 kg i veći	Leđne kosilice-trimeri ili rotosjekači	Motorna pila	Buldozer 12 t i veći	Niskonoseća prikolica za prevoz građ. mehanizacije nosivosti 20 t i više	Transportna vozila za prevoz radnika, alata i opreme
1.	Čapljina i Hutovo blato	1	2	2	2	1	4	3	1	-	-	2
2.	TMT (Tihaljina -Mlade-Trebižat), Vrioštica i IB (Imotsko-bekijsko) polje	1	2	2	2	1	4	3	1	-	-	2
3.	Mostarsko blato i rijeka Jasenica	-	1	1	1	-	1	1	1	-	-	1
4.	Odžačka Posavina	4	2	3	1	2	1	5	3	1	1	2
5.	Srednja Posavina	4	2	3	1	2	1	5	3	1	1	2